

اداره خانه سی : دارالفنون
قارشیسنده کاش حسن پاشا
مدرسه سی داخلنده در

مرکز توزیعی :
باب عالی جاده سنده (اتحاد
تجارت) کتبخانه سی

آبونه بدلی :
سنه لکی ۱۰۰ فروش
آلتی آلتی ۵۰

آبونه قیدی معامله سی هر سنه نك برنجی
وایکنجی آلتی آلتی اعتبار آ اجرا اولونور

دینی ، علمی ، ادبی ، اجتماعی و شهری

مختل
۱۳۳۸

مجموعه اسلامی سی

صاحبی ، مدیری ، محرری :

اسلامك نفعنه خادم مقالات
مع التشكر قبول ونصر اولونور

یازانك شخصیق دکل، یازانك اهیق
نظر دفته آلتییر .

کلن یازیلردن هایان قبول کوردولنلر
تامیخ صیراسیله درج ایدیلیر .

کونده ریله جك آثار ، اولوناقلی
و مختصرجه یازیلمش اولمالیدر .

ذی الحجه
فی : فروش
۱۳۴۱
۱۰



عدد
جلد
۳۸
۴

مخفلک ۲ و ۳ نجی جلد لری

قالین برر قاپاق ایچریسندہ ذیکلمش اوله رق
احضار ایتدیریلن بوجلدلر، اداره خانه دن آیلندینی
تقدیرده تزیلات مناسبه یاپیلر . جلد اولک
موجودی قالمامشدر .

مخفل دینی و علمی

مسجدلرده آقیش جائز اولورمی ؟

مسجدلرده خطیبارک تصفیق (ال چیریمق)
صورتیه آقیشلاماسی جائز اولوب اولمادینی
سؤالنه جواباً مصرده کی جامع ازهر مدرسین
عالیه سندن شیخ عبدالرحمن خلف اقدینک بیاناتی
(الاهرام) خنزه سندن بالترجه نقل ایدیورم :
[الاهرامک ۲۸ مایس ۱۹۲۳ تاریخلی نسخه سنده
علمایه خطاباً ایراد ایدیلش بر سؤال واردی که
مساجدده یاپیلان تصفیق حکمنی استفسار
ایدیوردی .

صورولان حکم ، ایضاحدن مستغنی اولاجق
درجه ده بدیهی بولونمقله برابر سائلی جوابسز
براقش اولماق ایچین براق سوز سوبله یه حکم :
خفی دکلدرکه مساجد، عبادت ایچین انشاایدیلشدره
بوخصوصده اصل اولان (وان المساجد لله فلا تدعوا
مع الله احدا) نظم کریمیدر . آیت جلیله ده کی
مساجددن مقصد ، دروننده عبادت ایدیلن ابنه
اولدینی کی جناب حقه نسبت ایدیله سی ده شانه
تعظیم و تکریم ایچیندر . شو حالده اورالرده اللهدن
باشقه سنک نصیبی اولمالیدر . بوکا بناءدرکه
مساجدک تعظیمینی محل حرکاتک ترکی و تکریم
و احترامنی بادی حالاتک اجراسی طرف جلیل
رسالتدن امر بویورولمشدر . او جمله دن اولق اوزره
« جنبوا مساجدکم صیانکم و محبانکم و خصوصاتکم

وبیعکم و شرائکم و سل سیوفکم و رفع اصواتکم
واقامة حدودکم و حمر وها ایام جمعکم و اجعلوا
مطاهرکم علی ابواب مساجدکم » حدیثی شرفسانخ
اولمشدرکه « چوجوقلریکزی ، ده ایلریکزی ،
مخاصاتکزی ، آلیشکزی ، ویریشکزی ، قلیچ
چکمه کزی ، باغیروب چاغیرما کزی ، حقی اقامة
حدودایتمه کزی مسجدلریکزدن تبعید و برطرف
ایدیکزه طویلاندیفکز کونلرده اورالرده بخور
یاکیکز ، آبدست ابریقلریکزی ده مسجد قاپیلرینه
قویکزه مالنده در .

کذا « من نشد ضالة فی المسجد فقولوا لاردها .
الله علیک فان مساجدکم لم تبین لذلک » حدیث
شریفی واردرکه « مساجدده بری غیب ایتدیکی بر
شیء باغیروب صوراجق اولورسه الله ، اونی سکا
اعاده ایتمه سین ، یعنی بولامازاول ده یکزه . چونکه :
مسجدلر ، بونک ایچین یاپیلما مشدر » دیمکدر .
امام الانبیا علیه وآله اکمل التحایا اقدیمز ،
مساجدده کیرینجه کندینی زائر الهی عد ایدر و
« انی عبدک و زائرک و علی کل ضرور حق و انت
خیر ضرور فاسألك برحمتک ان تفک رقبتی من النار »
یعنی « اللهم ! بن ، سنک قولک و زیارتچیگم . هر
زیارت ایدیلنه اکرام حتی توجه ایدر . سن ایسه
زیارت ایدیلنلرک اک خیرلیسی سنا . بناءً علیه
بویمنی آتشدن قورتارما کئی ، یعنی بی جهنمدن
آزاد ایتمه کئی سندن استرحام ایدهرم » دیردی .

خلاصه : مسجدلر ، بویله اجتماعلر ایچین ،
شعرا و قومق ، محاضرات یاقمق ، آل چیریمق و باغیروب
چاغیرمق ایچین یاپیلما مشدر .

بوکی حرکتلر ، بویوک طایفمیش کیمسه لرک
تزدنده یاپیله بیلیرمی ؟ البته خایر . یاپیلاجق اولورسه
شبهه سزانی کورولمز ، خصوصصیله باغیروب ال
چیریمق هیچ ده خوشه کیتمز .

خلافتہ کجیدیکی زمان ایکنجی دقمہ اولمق اوزره
قرآن کریم جمع اولندی . فقط اولکی جمع ایله
بونک ارسنده شویله بر فرق وار ایدی که بو جمع
هم سورهلرک ترتیبی ، هم ده وجوه قرائت
قرآنیہک لغات قبائل ایچندن لغت قریشہ حصری ،
برده متعدد مصاحف شریفه یازدیریلهرق اطراف
بلدانه ارسالی صورتیله ایدی .

تفصیلنه کلنجه : معلومدرکه قرآن کریم ، عرب
لسانی اوزره نازل اولوب ، عربلر ایسه قبائل
کثیرهیه منقسم ولقتلری بعض کلامده یکدیگرینه
مخالف ایدی .

بولغات مختلفهک یدیس سائرلرینه نسبتله فصیح
اولوب اولنلرک ارجح وافصحی ده قریش قبیله سنک
لغتی ایدی . شوجهتله قبائل عرب ارسنده فرق
واختلاف اولقله برابرمریری قرآء صحابه دن برینه
استناد ایلردی . چونکه کوفه لیلر (ابن مسعود)
بصره لیلر (ابو موسی الاشعری) ، شامیلر (ابی بن
کعب) ، حصیلر (مقداد بن الاسود) دن اخذ
ایتملریدی . فقط شو اختلاف ، مضایه اجرای تأثیر
ایتمیه رک حسب الایجاب بر معنایی الفاظ مترادفه ایله
افاده قیلندن ایدی .

عین صرقه منسوب اولوب آیری ، آیری قصبه لرده
وکویلرده ساکن اولانلرک قوللاندقلری الفاظدن
بر چوغی یکدیگرینه مخالف اولدینی حالده بو
اختلافک مضایه هیچ تأثیری بولمادینی حالامشهود من
دکلیدر؟ مع مافیه بین القبائل قرآنک سرعت انتشارینی
آرزو بیوران حضرت رسول اکرمک ، جناب
حقه دعا ایدرک امته سهولت اولمق اوزره قرآنک
یدی لغت اوزره اترال وتعلیمینی استعدا ایلمی
اوزره وینه جبرائیل نازل اوله وق بین القبائل الفاظی
تکلم ، معانیسی تفهیمده صعوبت چکیلیمکده اولان
بعض کلامک یدی لغت اوزرینه تلاوتنک جوازی

بویله اولدینی حالده شو منکرات ، اللهک
(فی بیوت اذن الله ان ترفع ویذکر فیها اسمہ) دییه
بیان بویوردینی مسجدرده ناصیل یاپیله بیلیر ؟
دینی وعقلی اولانلرک اللرندن کلدیکی قدر بونی
منکر کورمه لری ایجاب ایدر . شومنکرک ازهرده
یایلمقده اولماسی ایسه اباحه سنه دلیل اولاماز . بلکه
زمانک فساد ، منکری معروف و معروفی منکر
حاله کتیر مشدر . کما اشار الحدیث « لا تقوم الساعة
حتى یصیر المعروف منکرا والمنکر معروفا » [

مصرده مسکرات استعمالنک منعی

حقنه تشببات

خطه مصریه ده مسکرات استعمالنک منعی
ایچین طرف طرف جمعیتلر تشکیل ایدیلدیکی ،
بو جمعیتلر طرفندن پیدرپی حکومته مراجعت
اولوندینی ، (جمیه الاعتدال) نامنده کی قادیسلر
جمعیتنه آلتی بیک امضالی بر عریضه ایله حکومتدن
مسکراتنک منع فروختی استدعا قیلندینی ، حکومت
مصریه جهده شیمدیلک یکیدن میخانه کشادینه
رخست ویریله مه سنک تحت قراره آیلندینی یه
مصر غزته لرند کورولمشدر .

دار الخلافه منک بو خصوصده ده بلاد اسلامیتهک
پیشواسی و جمعیتجی خانلر منک مصرده کی همشیرلرینه
توفیق حرکت ایله یه رک مسکرات اسیری بر طاقیم
کیمسه لرک خلاصکار ابتلاسی اولماسنی صمیم قلبسزدن
تمنی ایدررز .

طاهر المولوی

تفسیرلر - مفسرلر

جمع قرآن طابع

حضرت عمر ارتحال ایدوب حضرت عثمان